

KLIP-KLAP

"A toda maquina preparacion di"

E 7mo Festival di Jazz y Música Latina...

T'asina cu e proseso di contacto pa e artistanan cu lo participá na e Festival di Jazz mas grandi di Caribe ta 'a toda maquina' segun KLIP KLAP a comprendé.

Pa loque ta e seccion latino e aña aki e lo ta candela puro, si nos por mencioná e personahenan artístico cu sigur lo ta presente na e festival aki lo ta 'El barbudo de la salsa Tito Nieves', El Romántico de la Salsa Mark Anthony y e fenómeno di actualidad cu a bari y haci un cos den premio Ronda Carlos Vives y su grupo La

Provincia. Esakinan lo ta sigur te awor aki programá.

Ban spera cu si, ya cu e aña aki lo ta dos weekend di cual espectativanan ta grandi pa e aña cu ta celebrá nan di 7mo edicion.

Pa loque ta e seccion di Jazz e aña aki lo tin sorpresa y ya caba tin dos artista Mericano y un grupo Cubano confirmá e aña aki.

Asina liher cu wordo concretizá e total di figuranan artístico cu lo presentá na e festival lo lanza e promocion Internacional pa esaki.



Esaki ta "Carlos Vives" den pleno concierto na Colombia durante e lanzamiento di su produccion 'Clásicos de la Provincia' cu a bira e best-seller na Sur-America.

Un atraccion cu sigur 'vale la pena' pa presenciá en especial loque nos tur a mira durante e premio Ronda.

Hilward Croes lo graba cu Doble "R"



El Príncipe Hildward Croes lo graba cu Doble 'R', esaki a sosode ayera den studio di grabacion di Rainy na Curacao.

Y ayera tambe Dushi Band tabata presente na e Bavaria Happening cu tabata un éxito total.

Despues di su bishita na Curaçao


"OREO"

Ta bek manera semper...!!

Despues cu nan a bishita Curaçao nan ta bek manera semper y awe for di 10'or di anochi nan lo ta den e latin place riba e boulevard strip esta "Blue Wave Night Club" y Diadomingo nan lo tey manera semper na e happy hour di Bonaire Club.

Loque KLIP KLAP a comprendé cu pronto nan lo tey na e Happy hour mas grandi organizá na Aruba y cu e alegría ta sisui manera semper.

Tambe KLIP KLAP a comprendé cu fin di e luna aki nan lo tey na Curaçao bek, esaki ta bon pasobra no tin un liña frecuente cu nos bandanan ta bishitá e isla aki y riba dije e ta un mercado difícil. Durante nan último bishita e promé presentacion no a bai asina bon debí cu e competencia ta hopi fuerte pa competí cu Orquesta De La Luz y e promocion segun KLIP KLAP su corresposnal



tabata un tiki 'zwak'.

Pero e biaha aki nan lo bai bao un otro promotor cu si sa 'de que se trata la question' pa organizá fiesta bailable.

Sin duda bo ta keda cordialmente invitá pa ta presente cu OREO awe y mañan.